

四庫全書

集部



欽定四庫全書

集部

皇清文頴卷

五十九至  
六十一

詳校官檢討

臣朱依昊

主事銜

臣

徐以坤覆勘

覆校官中書

臣

田尹衡

校對官中書

臣

王彝憲

謄錄監生

臣

戴朝琛

謄錄監生

臣

張五誥



欽定四庫全書卷

皇清文穎卷五十九

詩

五言古詩

入山左境見流移歸復宿麥被壠喜而有作

理密親王允弼

維

皇育萬物



湛恩徧嘉師飢溺若在已幽鄙必洞知昔年齊魯境積  
潦民其咨老羸莫自保載道多仇離

至尊惻然念

明詔下所司蠲租數百萬截漕為鋪糜猶恐守土吏不  
免侵漁私

特選廉辨才俾往監涖之精鏐出內庫車乘絡繹馳大  
小量口給饔飧計日支其有未歸里部送罔或遺各令  
家室聚賜以庾廩資頓起溝中瘠白骨重生肌戶版悉



登復東作勤耕菑茲來侍

御蹕道經衛水湄但見四境中鼓腹羣熙熙二麥被原  
野出土揚青蕤昔無藜可糝今有酒可醕晨驅犢向壠  
暮逐雞棲埒父老羅道旁感極翻涕洟億兆得再活實  
賴

聖君慈恩深難報答泥首呼蒼祇敬祝無疆

壽福履永永綏臣於問視暇獲覩

天顏怡紀實無百一願賡豐年詩



賦得清氣朗山壑

恒溫親王允祺

曦車轉西陸商飈動長林  
顧茲巖壑間寧有氛埃侵  
積翠湛虛明觸景咸蕭森  
良晨豁我懷爽氣盈我襟  
誰從黃葉中扶策來相尋  
浩歌對高山情與白雲深

觀魚樂

果毅親王允禮

金塘縠水間碧藻文鱗躍  
游泳彼如如心神此落落  
小亭開浩渺倒影浸寥廓  
吟罷一憑闌宛然濠濮樂

題茂林仙館圖

果毅親王允禮



飛流界空青天風導大窾陰森六月寒蒼鬱九冬暖茲  
山非人世合付真靈管宮室何縹緲云是列仙館門外  
楓葉深峯頭白雲滿豈惟人蹤絕兼恐鳥跡罕欲揖浮  
邱公松關不可款雖悵奇境隔頓覺塵心澣緬懷羽衣  
客人外寄蕭散

題畫

果毅親王允禮

我聞吳楚間逶迤富山水巖岫不須高平遠即可喜烟  
波豈用濶滌洄斯為美青楓何鬱鬱白石何齒齒林密



隱招提岸迴露墟里時見杭稻疇屢逢魚蝦市池邊畧  
釣橫竹裏茆亭峙鳥捷屋角鳴青雀門外艤檣但話桑  
麻秀亦課書史生計付樵漁樂事勝園綺我欲往從之  
雲山何處是誰窮千里目圖此盈丈紙心賞方在茲卧  
游從此始牕間一以玩春風香研几

咏史四首

果毅親王允禮

叔孫道委蛇頗亦解希世繇叢尋舊章臚句傳顯制合  
殿靜無譁方識天子貴應笑魯兩生安能知此意



濟南老伏生曾為秦博士壁藏先聖經兼復記端委九十難正言傳教令女子屬讀詁曲間錯誤良有以

仲舒經術士三年獨下帷春秋究奧突園舍何曾窺天人三策對鱗甲騰之而卻嫌著繁露穿鑿非所宜

匡衡始家貧分光乃鑿壁射策九不中傭作僅給食及其為丞相不負稽古力說詩解人頤鼎來真莫測

題畫

果毅親王允禮

古樹凝蒼烟菰蘆映寒碧扁舟何處來踞篷吹短簫共



坐夕陽坡遠望征鴻寂落葉下蕭蕭江空渺無迹

鳳縣

果毅親王允禮

寶雞已無聲仙鳳猶鳴嶺

鳳縣志鳳嶺在縣東三里之鳳山上

閣道亘

虛空木末過人影

與程記陝西棧道長四百二十里自鳳縣東草涼驛為入棧道之始

天

梯屈曲連捫參還歷井驂鑣歛斷續散隊如旋縵石作

奇鬼獐崖露青鋒頽吼雲朔風勁漱玉飛泉冷古戍松

林深

驛冊松林驛在鳳縣南一百十里

高隱紫栢靜

名勝志紫栢山在柴關嶺下山多紫

栢相傳張子房曾隱於此

大谷新開道斗絕武休境

新開道在縣南明何景明詩塹



山通大谷驛冊武關驛在鳳縣東南武休關方與勝覽褒斜谷旁連武休關地斗入秦山勢欲斷隴水聲方哽關河忻漸諳土俗得周省惟與

帝鄉遙回颺時引領

勵志

果毅親王允禮

耕當問之奴織當問之婢古語不吾欺鑑人如鑑水朝與申穆儔夕與枚馬齒家國有常經齊治有定理尊重老成人斥遠輕薄子集思廣衆益安步軼前軌

曉發通州至燕郊鎮二十里



慎郡王允禧

一盞琉璃燈晚龕同彌勒去住無定因曉發通州北暗  
塵蕩夜氛殘星送曙色秣馬初渡河騰踏浮橋直村墟  
沙霧黃烟景意猶嗇日光地上動林靄紛如織豁達野  
天開蒼茫望何極欲趲打包僧中飯燕郊食

初夏偶成

慎郡王允禧

庭草日夜長堦苔日夜綠柳影散清圓幽禽更相逐有  
形寄大塊得時善亭毒紛華非可矜所樂在游目堂宇



絕塵輒種花復種竹花自悅人性竹更醫人俗況此清  
和時天氣少寒燠齊紈裂團扇吳綾製單服一飯飽有  
餘時把舊書讀

灌花

慎郡王允禧

堦砌羅羣芳宛然如藻績照日相新鮮臨風各相背蓮  
邀茂叔賞菊受淵明愛心苟有區畫遇境生取廢何如  
忘憂子澹然此相對榮謝寄流轉采色看迭代園丁汲  
井欄時時自灌溉



藤花

慎郡王允禧

庭前紫藤樹敷榮亦青蒼根株有所托枝蔓渾能長輕  
陰蔭棋局落花飄酒觴欣然樂時物日夕恣徜徉

對雨

慎郡王允禧

青苔上牆垣細草迷行路長日客來稀倚牕時索句雨  
聲自東南先入高桐樹枝柯洗更青悠然足良晤不離  
城市喧自得幽居趣烟雲秀可餐徘徊共朝暮

湯泉

慎郡王允禧



天地毓靈氣山川蘊神漿湧此硃砂泉乃在蘭之陽方  
池甃白石晶晶涵日光萬斛吐珠璣源深流自長端應  
奉

至尊一派入紅牆行殿枕碧岑簡朴惟焜煌狀流任通  
塞膏澤何汪洋蔀屋共霑被億兆同延昌

喜雨

貝子弘普

連朝苦炎蒸欲避渾無策戶牖來溫風倍覺曦光赫何  
當展冰簟流汗時浹脊散髮揮素紈脫帽身還赤雪藕



復調冰煩襟猶未滌條靚油然生片片遙峯擘殷殷雷  
作聲濕雲塞空窄沾漑頃刻間神膏發地脉草木自精  
神物我皆調適衢路淨纖塵池塘漲澄碧溝澮既已盈  
平陸俱盈尺行看潤秋田且喜蘇粳麥農人擊壤歌負  
耒振襜褕市廛及道路相與手加額我時抱疲疴披襟  
脫然釋當此清涼境游屐忻可即好看雨後山慰我耽  
詩癖朗吟頌豐年披襟暑無迹

賦得秋日望銀山

貝子弘普



風吹恒嶽雲薊邱峙層碧爽氣逼眉宇仰瞻何奕奕雲  
連秋塞黃樹帶霜巖赤飛流洗峯椒夕照烘峭壁在昔  
次仲隱林岫妙婉孌斯人久已往遺跡留落翮歛崙石  
玲瓏縹緲雲絡繹壯哉此形勝屏翰

帝王宅千山藐培塿萬古壯疆場思游目其顛宛披古  
圖籍既歎子喬鳬難躡謝公屐徙倚臨北牕眼界暫為  
闢山靈變氣候萬狀呈几席助我嘯咏懷慰我烟霞癖  
猶冀繞丹楓嵐然短筇策



齋中即事

輔國將軍博爾都

天末秋欲生微覺  
絺衣爽清風吹槐花飛墮書案上  
昨夜疎雨零塵淨  
天初朗僻徑無行踪  
虛堂發新想事罕  
人自閒樹靜蟬逾響  
聊復遂幽棲一枝任偃仰

松韻軒初成倣古

輔國將軍博爾都

愛茲林泉趣  
端居寡所營  
耕鑿皆

帝力俯仰荷  
生成好風自南來  
微雲冉冉生夾溪  
翳深柳嘒嘒蟬初鳴  
偶爾乘小艇閒隨漁者行  
飄飄聊適意



焉敢薄時榮

竹塢 幽篁半畝綠陰蒙翳風月佳時清影蕭瑟

予之小渭川也

輔國將軍博爾都

抱琴竹裏坐萬籟正淒清風起竹響碎月來竹影橫時  
復七弦上偶爾作秋聲

中洲 爾雅水中可居曰洲雲中君蹇誰留兮中  
洲參同契太乙乃召移居中洲吾室既成欣然樂  
之亦不知因何留而被誰召也



輔國將軍博爾都

草堂面綠水舟楫往來通  
燭明花隙月帚拂柳稍風  
獨坐南牕下疎散樂無窮

賜遊湯泉應

制有序

張玉書

皇上御極之二十年歲在辛酉序屬仲春

車駕巡行左輔駐蹕馬蘭峪展謁

孝陵典禮既秩



椒宮園寢有待歲事維時扈從大學士臣霽等十有九

人列幕石門祇候進止三月六日巳未

上特命大學士臣明珠

召扈從諸臣暨

內廷供奉學士臣英等三人偕詣

福泉山麓

賜遊湯泉臣玉書備員宮僚幸觀殊遇既至周循溫谷

環覩石池瞻近



行宮徘徊殿砌臣明珠因宣述

諭旨以茲泉氣和陰陽候均寒燠

太皇太后鑾輿賁止倍增慶豫爰庀館宇用洽

睿懷而庭楹無崇侈之觀棟牖無金碧之飾期於仰承  
懿德默佑壽祺蓋慈孝相成華儉適度史冊所紀未有

若斯之盛者也臣又竊綜載籍考鏡源流古右北

平郡徐無城北庾水出焉西南流與灋水合又東

南流與溫泉合故魏土地志云徐無城北有溫湯



而水經注言溫泉水源出北山溪是今福泉山疑  
即溫源也南流百步伏入地中又折而東南逕石  
門峽是即今石門口也洪惟

天篤禎符

孝陵叶卜山墮谷抱龍蟠虎蹲而石門絕壁劃開如表  
雙闕飛流倒瀉衆派同趨則茲泉靈竒瑰異亦可  
觀矣頻歲以來

皇上屢駕朝



陵致齊斯地凝神澡慮攸芋攸寧豈非

聖孝格

天神泉應地既密衛乎

陵寢復丕協於休徵以視仁壽崢嶸華清娛燕固有不

可同語者乎

臣

職司珥筆誼應攄辭謹賦五言古

體詩四章恭紀盛事

神皋結靈異溫谷瀉飛泉百派繞山麓纍纍珠光旋  
甃石滙為沼玉鑑凌空懸積靄蕩青碧蒸液浮暖烟俯瞰



丹砂沸仰矚銀漢連日月遞吞吐倒景環其間勝境表  
殊狀幽響爭奇妍渟泓杳難測

帝澤涵深淵

離離灌木岡芊芊芳草址別館引暄瀾茅茨覆堦紀松  
雲自生牖寧假雕釳侈眷言奉

重闌敦樸愜

慈旨星軒一以御淑氣紛蘭芷四序鱗次周春波常如  
綺濯龍侵曉闢



鑾鈴時至止篤孝叶神符千秋綏福履

遙岑帶長薄曲渚連西疇融風萬景滋瑞澤孰與侔迢  
遞石門峽嶽漾灋水流茲泉互回伏湧秀成奧邱鬱鬱  
望

孝陵嶺接烟嵐稠

翠華虔展謁肅此駐

宸旂齋板心神瑩遐覽物象收扶輿浩旁礴王氣蟠神

州



奇蹟絕躋攀矯首天際隔

溫綸忽下逮神山咫尺盥滌煩疴蠲飲吸疵癘釋三  
已良未遠追楔許共適

宸心軫荒遐流潤及蟻蝸爰弘慈孝理徧濡膏雨澤載  
溥仁儉恩盡起溝壑瘠四海登春臺庥聲永金石

恭紀

駕幸闕里詩

熊賜履

尼山秉教鐸千秋斯道彰懸象揭中天微言復光昌表



章賴哲辟載籍紀前芳漢高修牢享唐宗薦袞裳褒崇  
並祠祀宋制備膠庠豈無右文主沾沾循舊章至理鮮  
孚契儀節徒鋪張我

皇天縱聖淵默接羲黃

宸衷太極涵舒卷叶陰陽以茲隆化理一一邁前王甲  
子貞元會薄海慶平康肇舉東巡典禮秩崇珪璋

帝心尤重道

法駕賁宮墻虔修釋菜禮鈞奏何洋洋儒生講席開尊



俎倍輝煌萬世仰師表親題

御墨香

天章揮藻翰貞碣亦琳瑯爰逮四氏裔

恩澤施無疆隆禮兼異數宣示布周行六字盡歡呼斯  
文日月光愚臣慙謏陋叨隨太液傍值茲鉅典成拜手  
事賡颺

扈從

南巡詩八首

張英



車駕至畿輔道上民有獻嘉禾數岐者以示從臣

春風轉韶律時巡歷郊原王道廣周諮冀以康黎元衢  
歌撤警蹕羽衛祛殷繁萬姓趨馬首填塞窺井垣皆言  
年穀好比歲豐雞豚嘉穗發數岐敢以陳

至尊

聖心益怡悅慈顏彌霽溫民天在粒食農事古所敦稼  
穡允為寶珠玉安足論再拜紀惇史大哉真

王言



觀趵突珍珠二泉

濟水性沈勁，隱見多伏流。  
趵突歷城隅，噴薄聲颼颼。  
澄波涵曲沼，玉峰對層樓。  
雪濤涌銀甕，朱檻翔白鷗。  
或類蛟人窟，百琲珠光浮。  
參差文藻漾，灩澦纖鱗遊。  
清寒沁心骨，四時常若秋。  
昔已邀

天步，今復駐綵旒。

宸章炳星日光芒，射潛蚪。  
先後兩輝映，特為名泉留。

登金山



滄江浩無際乃自岷山來浮玉一拳石砥柱何崔嵬北  
迎瓜步口南接潤城隈迴波忽涌立激薄聲如雷皎若  
鷗鷺羣燦疑冰雪堆海氣駕奔濤閣影勢欲摧有時風  
日麗潮落江烟開波光類澄鏡燈火明香臺

仙蹕駐上頭勝地欣追陪峰頂大字石雲漢同昭回

登虎邱

虎邱一片石乃在闕闕間王珣舊時宅清泚相迴環遊  
人歷今古石色常自閒劍池如削玉繡澁苔痕斑中涵



清淺流花底時潺湲層邱莽迴互數步勞躋攀長廊臨  
大壑紫翠何其殷邛落愛平遠極目入烟鬟上有  
萬歲亭卓立當茲山吳人歌樂胥嘉惠頻年頌

登鄧尉山

泛舟出吳會越嶺趨香林村居接花嶼長橋跨碧潯溪  
憐木瀆好山愛銅坑深一徑入桂巖千樹對梅岑吹香  
滿高閣積雪照湖陰喬松翳古寺惟聞鐘磬音數點漁  
洋山便娟當波心帆影時出沒湖光彌綠沈鄧尉隱此



山流傳空至今欣逢

天仗來感激生長吟

登吳山

吳山俯城闔石徑登嵯峨翹首雲物麗極目河山多層  
巒滴幽翠晴光捲白波一片明湖影掩映隔喬柯春潮  
如雪岸朝夕滿江沱萬井若鱗次葱鬱知時和丹梯聳  
飛閣蒼磴接崇阿

至尊移步輦雨霽此經過雲霄畫圖句古調永不磨微



臣草蟲吟敢繼大風歌

渡錢塘經過雲栖虎跑泉飛來峰

東風動漣漪鼓枻渡錢塘沿緣歷沙渚山徑多微茫林  
巒轉幽邃數里青篴簫映水綠娟娟憂玉聲琅琅紫蘭  
被山谷日暖吹微香西渡虎泉側因過鷺嶺傍奇峰削  
雲根凌空如飛翔澄溪迴數折灌木羅千章鐘聲度白  
雲閣影摩青蒼

萬乘一回顧巖壑生清光



登北極閣

走馬登崇岡東西臨冶城萬瓦連九陌  
淡沲春雲生

至尊憑傑閣眺覽紓

皇情蒼蒼夕陽落耿耿銀河清象緯  
天闕近奎壁相縱橫

聖心羅七曜指點示諸卿盈縮通造化  
高論雲霞驚弧偃天狼  
息斗轉泰階平南極懸日表  
久為仁壽禎  
今夕覲



天子芒角增光明

瀛臺恩宴詩四首

徐乾學

嘉會屬休運泰階景昌期  
文軌南北際侯尉東西垂  
昆明適違命丹浦暫興師  
五材民並用廟算百不遺  
止戈聞自昔脫劍方及茲  
兩岐既書瑞六穗盈華滋

皇矣降豐年膏澤無偏私

聖情始悅豫宴鎬戒有司

滄池多菡萏菱蔓漾清流  
崇臺臨水榭爽氣當新秋



聖人坐迎薰卷阿欣來遊太液波泱泱容與櫂蘭舟嘉樹  
蔭文石碧澗通潛虬長筵一何綺

尚方多珍羞雪藕纔出水錦鱗始上鉤紫苞及綠房纍  
纍錯觥籌靜言

聖澤厚涓埃孰可酬

筐篚有勸侑具僚愧嘉賓拜

賜欲就席有

命自天申古也無算爵宰夫為主人茲會尚煩縟藹藹



羅朝紳但使無不醉毋為辜良辰油油三爵餘歡言共  
飲醇既醉無虛歸分攜席上珍顧瞻九陌上日暮紛車  
塵

觀頤自養賢徐乃徧里閭庶物既衆多

聖人方那居

紫極偶幾暇旨酒及嘉魚今日樂相樂何當更大酺弛  
力且給復薄稅仍捐租萬井皆晏眠無聞吏追呼兩階  
舞千羽庭鳳儀有虞蒼蒲知送涼蔚然生



御廚滄溟為九醞大尊置堯衢慚無雅頌筆聊用陳區區

出山海關三首

孫在豐

少年重游俠投筆論三邊居常不思越行亦不戀燕長歌出塞行而廢郊陝篇於茲奉

清蹕駕言從甘泉城窟飲馬來千里出燕然豁焉盪胸臆浩浩平沙天

天地一翕闢乾坤開混沌草昧起休運經綸度大荒



皇哉東京邑奕奕豐沛鄉坐擁北沙漠俯臨南溟滄粉  
榆高社日楊柳生春光沃野千萬里可以事農桑廣莫  
麗神州樂土以無疆

雲霞海色曙

翠華正臨關羲和執轡來光彩依

龍顏海若為屏息三呼響萬山悠悠卷旌旆飛揚青海  
灣小儒慎馳驅駸駸豹尾間

長城

孫在豐



秦政并六王騁望何荒唐仁義乃不施收兵鑄咸陽臨  
洮亘遼水長城萬里長驅山迴碣石駕海凌扶桑遂令  
山海上雉堞連崇岡雄關天下險恃險不于常悠悠照  
漢月漠漠飛邊霜行者千載下驅車覽大荒始知惟衆  
志成城乃金湯

聖武功成詩

徐秉義

皇帝受

天命蕩蕩威德恢玉衡齊七政金鏡懸九垓觀文煥奎



壁出震施風雷南池滄海宴北牖青邱開甄陶轉一氣  
萬物皆成材飛走奮翼脩草木羅根荄奈何彼凶醜阻  
嶮作禍胎鴟鵂聚鳴嘯羈契羣喧阗造化至廣大洗滌  
乃招來豈彼狙獷心不拜軒轅臺

帝怒為安民聲罪奮撻伐路鼓振雷霆太常建日月五  
校勇可賈七萃氣俱發揮鋒鐵山碎蹕馬瀚海越

天地合我謀鬼神助我罰網野制駭竄罟山遏癡突兩  
甄魚麗綴中權斗杓揭重圍日逐殞連弩關氏蹶



睿算掃妖氛

神威震窮髮邊氓頌來蘇霖雨救旱暵

天網難屢寬

神武誰敢抗奈何彼凶醜迷惑失所向鴟逆不革音鷹  
飢反遠颺殄滅在此時機揆不容放

睿智天所啟臨邊坐武帳兵形在目中賊勢規掌上義  
勇激多士圍塹勅諸將鯨鯢暴涸澤狐兔困空墻雄畧  
既長駕仁風亦旁暢襁負爭來歸謳歌滿亭障維春二



月吉

大駕發神京列缺扈後乘屏翳抗前旌雙龍翼飛蓋八  
驥揚丹衡清蹕蒞五涼誓師召六卿雲蛇陣百里貔虎  
屯千營鼓震黃流却士叱雄風生遂登狼居胥北斗東  
南傾龍庭一炬燎戎帳萬馬平蠻鞬獻圖至贊普頓顙  
迎表此姑衍山千古騰

天聲

兵鋒轢五山



皇心綏四國渠魁既尸竄脇從皆面革勢寶湔瑕垢截  
髮表胸臆設弇獲小徼囚檻獻短域凶醜勢窮蹙作虐  
還自賊毒谿長鱷斃絕壑封狼跽千剗來野夫萬咏聚  
鳥翼明則受

天討幽則伏神殛遺種悉投弓稽顙仰

威德關門夜不扃烽燧從茲息

捷伐張

聖武憂勤本



皇仁

鑾輿乃三駕絕漠凌霜晨勞此堯禹躬惠彼隴畝民  
斯鯨斬檣杙息鼓休金錡劍戟鑄農器牛馬放海濱  
班朔跨狼望納賫來鮫人銀麋夜入貢紫玉朝旅陳  
功高殷武伐德邁漢庭賓神絲藪澤遍瑞穀溝塍勻  
願斲嶢巖石垂曜億萬春



皇清文穎卷五十九



欽定四庫全書

皇清文頴卷六十

詩

五言古詩

太祖高皇帝實錄告竣進呈

睿覽

皇上淵衷獨運

手敕親裁美善兼臻洪纖具悉

臣

萊幸叨編纂獲覩高



深敬賦古詩恭紀盛事

喬萊

維

皇御八極化理還淳熙履茲休隆運緬懷謨烈貽長白  
鬱嵯峨鴨綠水漫瀾三靈相環護篤生

上聖姿

太祖起海北浴日乘黃離赤手闢宇宙歷試多艱危甲  
士十三人復仇更勿疑所向無衆寡決勝如其期有時  
忽深入不遣匹馬隨橫刀屹然立萬騎安能追大勇人



莫敵大智人莫窺誅鋤遍九國地盡東北陞堅冰結秋  
仲紅雲隨征麾觀此百祥集

休命良在茲時惟萬歷季謀國如累棊但恃幅員廣詎  
料天心移興兵分四路問道中宵馳我師往來擊一鏃  
無所遺乃於五日內殄彼十萬師乘勝慕名城守者安  
可支遼陽瀋陽地奚啻邠與岐城堡各歸附父老壺漿  
持大義順天人豈曰殺伐為祁祁建都邑濟濟盈熊羆  
下詔集哀鴻痼瘵問瘡痍顧茲疆圉廓實肇混一基當



其締造日匪徒恃鞭箠武功赫聲靈文治肅綱維國書  
手所製神解侔庖羲庶事任五臣軍制張八旂强者習  
戰闕弱者安耕菑法嚴崇禮讓俗美戒澆漓政令若偃  
草愛戴如傾葵遠邇衆百萬自古難博施寧知

聖人心不忍一夫饑詔祿兼授產厚薄各有差鑑古窮  
百代垂訓法兩儀規模何弘遠創守無不宜凡此

神聖功一一宜為辭微臣濫史局纂述職所司妄測溟渤  
寬乃欲勺一蟲焚膏竣編纂爰值歲晏時諸司各休沐



至尊獨峙容綰帙日進

御披閱良孜孜遺編見

祖武不置敦孝思

聖學實淵深巨細勞指撝筆削入微妙臣愚安所知況復覩

寶翰燦爛蟠蛟螭遂令金石藏永與天壤垂

盛美絕絕形容聊復播聲詩

平滇饒歌六首

汪楫



聖人馭八極神智包萬年嗟哉反側子乃自絕於天螳  
螂奮爪角草木分戈鋌當其初弄兵頗亦勞烽烟

宸衷屹然定百職徒便便卒令叛者頭一一天街懸一  
鼓靖楚蜀再戰收黔滇始知大有為決幾非目前垂統  
固不易光前良亦難思一勞永逸乃轉危為安露布告  
陵寢維時方沍寒八駿兼程馳不假鳴和鑾要使

在天靈聞之生喜懽

至孝成大勇一誠久鬱蟠



讓善開寶冊肆赦陳鷄竿海宇慶更新錫類永不刊金  
魚空復游檻虎安能鬪顧茲几上肉將烹猶望救將軍  
恤軍命當關不忍叩煌煌降

天語泄泄戒養寇民力今已殫合圍此其候一時士氣  
騰尅日膚功奏乃知審機宜不在親介胄功成書竹帛  
允矣頌我

后

古人重郵傳四牡歌駢駢師行與吉行計里常苦違請



看插羽者不讓鷹隼飛軍書發六詔介馬揚

天威草頭一點塵勢如弩發機入秦月初上踰隴露未  
晞遙遙萬里程何異馳郊畿所以帷幄籌瞬息隨指揮  
四郊盡講武

九重方右文繙書領其要意若無寇氛闢門舉文學盛  
會稱風雲人言錢刀利毛錐安足云豈知垂裳意萬古  
無與羣文德格有苗誕敷建奇勲大文出神武允矣雄  
九軍



聖謨實洋洋蠡測徒紛紛

師行不裹糧騰飽仗積聚

皇仁取有制大盈非所慕度支酌權宜躊躇還却顧三  
嘆念斯民終焉未加賦轉輸豈不勞竭蹶無怨怒方州  
既大定懽呼滿行路深林有窮鳥廣淵有涸魴及茲  
閭闔開一天皆雨露

扈從恭紀

勵廷儀

北河奕兒渡屢決致縈



宸慮爰改疏一道以適水性舳舻利涉田舍無虞千秋

奕禩永戴

洪庥恭紀五言古詩一章

天懷軫饑溺深居念萬方謀登之衽席不獨淮與揚  
繫維通惠河決口尤難防疇昔苦汎濫田晦勢汪洋  
流沙不易塞修築歲以常乃致勞

宸衷謨畫精且詳相度經久計改鑿故渠傍較視舊水  
程翻近千里強堅堤耐剝蝕利涉迅帆檣並岸羅井甃



比戶安耕桑積惠快永脫

聖澤流俱長微臣曩經過村落已荒涼  
扈行聞歌謳羣黎樂而康戴恩攜婦子稽首慶無疆

靜海地處九河故道動罹水患仰荷

聖恩蠲賑頻施萬民嵩呼迎謝臣從舟繼至不獲隨諸

父老後敬賦古詩一章用攄頌悃

靜邑一彈丸況乃瀕斥鹵年穀屢不登民食艱二鬴何  
幸生



熙朝愛育勞

聖主宵旰憫痾瘵慈仁超邃古膏澤徧八紘軫恤先

畿輔十載九

賜租賤直發倉庾賑饑復煮糜

恩勤難悉數荒歉雖頻仍窮檐賴安堵億兆慶更生感  
深醵肺腑童叟祝

萬年歡聲動河許微臣稽從舟未及隨編戶作頌慙蕪  
陋聊以當拜舞



賦得崇文脚駐輦

沈涵

大君撫洪運文教肆丕顯時乘

萬幾暇遊心契墳典石渠羅羣英

金殿蒞華輦日永火方中漏盡風初轉列坐排瓊几仙  
厨給芳膳臨池覘素蘊擘韵抒新撰

皇情既優渥

天語復諄勉努力崇令名榮遇庶能踐

秦中謠

汪灝



瑟瑟金風鳴鴻雁還故巢稻梁亦以繁故土原樂郊老  
農葺墻屋婦子除蓬蒿舊隣喜新聚覩縷慰劬勞各訴  
幸生還他鄉免萍漂向微金粟頌羸腹能久枵縱使天  
時轉溝壑骨已焦相彼田中禾粒粒皆天膏夏哉  
聖主恩華嶽不為高

右農夫

土焦禾不生風膜桑亦萎傷彼懿筐女食不給糠粃  
離出里門啜泣何能已一旦返圭竇杼柚仍在倚窗前



有明鏡憔悴容嬾理涼月照薄帷午夜無停指豈不知  
苦辛踈蹶良有以向者不還鄉遠作人織婢稍待有新  
絲元黃成錦綺先取朱孔陽酬

恩獻

天子

右織女

貧士逢凶年怯夫遇猛虎渺渺將殘軀俛仰難自處負  
笈遠就食焉敢定齊楚中道見冠蓋



帑金插飛羽嬰跚返關門春色滿遙浦得此一囊珠室  
家忽相聚恍疑夢中逢喜極涕如雨晚田尚可獲庶幾  
免冷釜剝茅補舊簷雜蔬種新圃欲報更生恩修綆勤  
汲古更願心同葵終身向

聖主

右士

八水空明星九衢盡牂羊瓶罍皆已空困麓無餘藏耗  
斃多癘氣道殣慘相望視息圖苟延扶攜散四方中途



不相顧時或棄路傍冀闕發祥雲雷迅開

天倉更齋萬餅金招呼徠流亡夜集似沙鳥朝逐如雁  
行遙望闕門樹鳩鵲爭翱翔莫愁耕無牛濕濕供服箱  
莫憂種無穀粟粟盈橐囊蠨蛸除我户耒耜入我場感  
此肉骨澤何以報

君王三秦百萬家化日春臺長

右民

讀書二首

館課

孫勣



韶光媚晴曦百草已含綠地靜無塵囂芳菲映書屋覽  
古愜素心澄懷極遐矚前修渺難攀撫已良自勗清時  
淑氣洽浩浩徧煦育記載藉寸觚導揚思接續努力事  
丹鉛優閒正休沐

一雨洗輕暑涼颼然生披襟臨除砌雜樹搖秋聲茅  
齋記夙昔研北勤畚耨神測精奧中夜心怵怵鑿坡  
一躡足圖史紛縱橫勝賞有餘樂旁搜無佚情平生毫  
楮願瞻顧徒崢嶸



聖武平北大功告成詩十二首

彭始搏

天授我

聖皇無疆大歷服纘承

三后烈立極綏民福甄陶合元化煦濡涵異族萬國洽  
同文比屋聯姻睦已鎔礦在治久偃矢於箠偏隅蘖芽  
蕃稂莠滋遺育蠢茲嚙爾丹負恩不可蓄戈鋌以止戈  
勝算有成竹唐帝伐青邱軒后戰涿鹿一怒而安民無  
煩師久宿濁亂洒然除乾坤氣清淑



帝非輕用兵顧已維之熟

惟彼昏不恭乃包藏禍衷侵陵我屬國桀驚逞兵鋒蝸  
爭牛之角爵為鷗驅叢遂犯我內地掠入烏瀾東狡焉  
恣出沒時傳塞上烽我

皇眷西顧長劒倚崆峒遺息留蠆尾辛螫餘拚蜂叵測  
煽諸部絺突騷邊農塵飛甘泉騎月照天山弓憫然此  
遺憾

聖武未臨戎



聖德實好生廣大與

天俱猶然沛

恩膏寬其後至誅謂爾居塞外孰非斯人徒市貢許其  
來冒忍外一隅尚冀無怙終卧桴邊氓蘇豈意禍未悔  
草蔓滋難除怙其獷詐習瀚海驅駒駝復寇克魯倫邊  
境滋覬覦

天子顧之嘆赫然撫湛盧

躬按金城略言尋玉關圖刻期定撲滅



親征出

廟謨

廟謨樽俎間制勝在萬里往者平逆藩芒刃嬰髀髀閩  
粵縛長蛇滇黔仆封豕咄嗟定亂略呼吸揮鞭筆  
聖人神武姿英略古無比南偃鯨波北眺雁塞紫舉  
天之所覆均為我赤子豈容長城外別部異軍壘六月  
出王師采薇歌柔止特聞遣將帥不見躬鞭弭我  
皇親戎行轅弓而房矢韎韞作軍容此為三駕始



初駕出塞時羣疑頗謂難窮陰入瀉鹵盛夏層氷寒蔥  
嶺隔雪山積沙皓漫漫狡寇號荒忽去來固無端輜重  
阻險巖石礫飛沙湍毒溪叢蠱霧馳馬多摧殘食糒歷  
三時饑渴不及餐我

皇自

天祐道左湧泉瀾窮荒不毛地庶草皆以繁南幕直北  
徙北斗向南看旆旌自悠悠駱馬復嘽嘽狼烟映飛鴻  
長驅鳴和鑾



長驅既已入征行亦已勞

至尊恤卒伍分甘復投醪謀聞黑盧倫賊壘堅且牢

天子自馳之三更創賊壕擐胄出和門雪沙擁弓刀銜

枚度峻嶺士馬寂不譁是時月正黑千山風怒號萬瓦

響霹靂雷聲殷鼓鼙轟傳從天下六羸驚遁逃倉皇遇

西師甲齊熊耳高何如燕然捷不數臯蘭麝我馬肥苜

蓿我士醉葡萄

葡萄植漢地楊柳盈塞壤橫笛入樂府鼓吹重霄朗逸



者倒其戈降者稽其顙取其駝牛羊不須煩內餉回望  
征戰場黃雲鬱蒼莽驚釜縱遊魚刻鼎假魍魎

天子曰還師吾已扼其吭沍寒冰渡河復見臨天仗駐  
蹕鄂多斯經畫指諸掌務使窮根株伏莽一條盪絕塞  
被光華露寒日澠瀼即見春草菲馬放天上春菲二  
月初綠草紫

乘輿牙拊翦旁軼蟻蝨勞爬梳斥堠嚴要害槍壘營儲  
胥歷三受降城河套環肥淤皆為我內地甌脫成菴廬



五原出塞外直抵狼居胥立馬衆峯巔極目萬里餘蕭  
條無遺寇白日當空虛蕃長撓留犁

上賜榮比余

天子自行邊往古不得如何有爾小醜狙詐徒區區  
狙詐亦何為狼狽失所據羝羊自觸藩欲退不能去威  
稜懾西荒鞭笞到日御哈密獻其子

行在俘籠笈諦已亦悔罪俯首奉戒諭逆顏有風霆內  
向蒙煦嫗無與為同好誰與為同惡矢敢鳴於房蝟集



相撐柱三月閏之餘雲中下露布蚩尤斷其首一旦消  
毒霧不使獸敗羣如今木去蠹污染一廓清綱紀歸王  
度

綱紀正萬方勉惟我

皇救民拯焚溺翦伐為安攘不駭慮始難毅然建非常  
亦如堙洪原灑沈歸灝茫當其迫驚濤渤海翻呂梁蛟  
蜃喜瀾汙邑廬憂懷裏

神聖立人極舉世還虞唐不見經營初垠崖擺雷硤弘



濟於艱難巨刃摩天揚大勲  
令者定氓蚩安耕桑枹鼓  
靜海宇烽燧銷邊疆詎識  
撻伐勞

宵衣猶不遑

宵晨卷甲趨減餐止蓐食

至尊三出邊辛苦征絕域

峻德格上下武功燁旁魄翦伐在一隅雷動消反側邊  
庭千萬里無有不臣國烏弋臨弱水大爵獻安息西極  
馬向東南車指自北兩階干羽陳共見矢文德告成



郊廟奏歌功金石勒方略出

聖謨編纂史臣職煌煌冊府垂永為奕葉式

奕葉頌放勲靖亂絕塵氛愷奏鳴朱雁饒吹歌白麟

尊號謝弗居

大德字

蒼旻秋肅風霆行氣至雨露仁沛然流江河萬古常日  
新形象各昭著輝光燦星辰及其握元化橐籥原渾淪  
豈有大造施而居履載恩蕩蕩乾象覆茫茫坤輿垠玉



葉雲五色金波月重輪親逢

堯舜世穆穆望

紫宸徒幸荷

帝力無能名

聖神

玉竦橋望西山爽氣

黃叔琳

西山佳氣來萬態換日夕長經郊原望杳靄彌紫陌况  
從



禁苑看峻增接

宮闕玉竦架飛梁山光互出沒雲浮千峯青波浸一天  
碧是時玉河邊天宇淨無迹皎若陰靈開煥若宿霧撥  
連延千萬重蒼翠堆咫尺傍映黃金臺斜照白獸闥如  
捲水晶簾錦綺儼羅列如矗珊瑚枝晃朗耀曉日晴嵐  
迎晚霞一一難狀述幸遊蓬萊間縹緲常不隔散步恣  
遊觀曠然心目豁

南巡聖德古體詩六首

汪士鋐



皇帝歲己卯仲春乃時巡維時平朔漠遐邇暢

皇仁萬物咸熙熙中外德化均水患惟河流盪激淮之  
漚竹捷命水官三策徒紛綸

皇帝曰吁哉母乃傷吾民一物不得所是在予一人況  
當土膏動于耜行歌幽渙汗發

明詔相度朕必親大澤待下流四海希陽春

慈寧極尊養

聖孝昔所無



文思奉

文母方舟邈迴紆問安與視膳未覺深宮殊有時掖金  
根徐步安且舒周覽庶物阜和氣涵寰區煦育歷年所  
緬想締造初

慈顏益以慰

皇帝色轉愉

巡行在教孝教孝民不渝

河流日南注淮水方平堤



御躬自北來黃龍從青蛻陽侯怵

天威約束水勢低

皇帝問下民猶恐妨鋤犁隨刊並神禹標輶行山泥何  
煩牽長茭溝塍分町畦結念沮洳澤極目滄海西決排  
與疏剔異用理則齊援筆成河圖指示窮坤倪黃流行  
地中億載安蒸黎

東南得深春履疇良無遺為憐東南民力作當春時蠲  
除積歲逋不異甘雨施寧惟省期會耘耔亦有資底須



糴新穀且得貯舊絲無吏夜催租有兒朝哺糜耕鑿安  
堯天此樂不可支白頭諸父老十載長懷思扶藜

輦路傍載拜歌

皇慈

省方為農事食乃民所天菜壠鋪黃金滿地烟竿眠微  
風颭麥浪馴雉方回旋

皇帝戒從官行勿侵農田引車與解駢事實邁古先親  
灑觀農詩琬琰還雕鐫往年寫耕織



睿吟今再宣勤力事稼穡歲歲歌豐年

庶政既舉行盛禮逮養老引見及百年彷彿入蓬島  
爵來天漿瓊液潤枯槁飽食拜

御前華髮總皓皓

聖容敷春溫惠氣展晴顥喬松海鶴姿揮毫落

宸藻黃封裏朱提赤印蟠

御寶厚俗與保和舉世咸壽考

題賜蓮圖為同年蔣廷錫

勵廷儀



把君賜蓮圖撫昔感衷抱憶在歲乙酉

召入蓬萊島委珮十三人同時錫鴻寶宮密繪龍文紅  
裝駕翠葆倏忽五載餘朋好如摧槁五人留館閣台席  
僅二老披圖懷舊

恩茲義良足討維蓮能虛中離立色愈好維藕有清節  
處汙質逾皓於以礪臣心於以規友道君子風可掬冰  
壺德堪澡眷懷爾我間百年式相保

出古北口二首

蔣廷錫



詰旦飛雲霓連峯忽中鑿蜿蜒一線開葱青下縈薄山城據雄勢睥睨俯萬壑真同秦嶺函寧異蜀劍閣

聖人大無外天險非捷鑰居民儼廬井闕吏無擊柝乃知至治世元化日寥廓和風迎面來遠烟吹漠漠石路車聲高青林深且邃重山互回抱淡日照空翠小橋架潺湲恍然闢天地夾衣生微寒頓覺氣候異書生處海濱見聞僅一二奇觀新耳目美景豁胸次同官五六人談笑竦輕轡多幸事



聖明恩波廣霑被

三場試畢檢閱從此始矣述懷三百字奉同事諸

君子

鄂爾泰

乾隆歲壬戌二月舉賓薦再命領春闈惕息增驚憚自  
惟荒落姿學植無偏擅況乃衰病牽心搖目昏眩聚奎  
仰高堂旁求殷

祕殿持此衡量才奚翅憂咎譴所願同事賢深感

皇情眷巨眼推老劉汪仲並高選分校十八人一瀛



洲彥學優行尤方力充才不銜流派窮淵源元音審正  
變推是足經綸何有於摩研念茲復欣然手足忽欲旋  
從來科目場功過常居半瑁璫飾風標鹵莽矜月旦論  
文貌雌雄憎命形歡歎渠伊寸晷長余吾五色眴得人  
良獨難失者孰稱善願言體誠求有祇殫心辨中不中  
云何無然乘懈倦文章品類殊穢妙各真贗拙樸合離  
奇穠華併孤幹或瘦而溫腴或短而精悍但令氣味存  
妍醜皆生面可畏非人言人言等諧諺凡百瑕與疵吹



求自躬先惟虛明斯生惟明公斯現虛明兩或虧一公  
詎能判無心以為心見見原非見最哉熨帖平庶以答  
恩盼

故里

夸岱

奉

命謁先塋回車經故里吾宗尚務實農居事耒耜村村  
聞我來處處要我止疎林帶遠山茅屋橫烟水壯夫招  
田間老叟候門裏村婦盈牆頭爭看承



恩使親情厚且直鄉俗朴可喜慰勞強拽臂絮語爭聒  
耳或採東山蕨或網遼河鯉提壺灌小麴

小麴關東酒名

入牢

縛大豕或苦疾無醫懇懇乞藥餌老夫豈無贈傾囊雜  
錦綺少長紛喧嘩天倫樂太始昔奉

玉輦來羽獵鄉關祀田園識同姓握手坐序齒頗覺尊  
長多少小無若已瞬息三十年驚呼半生死今朝集畝  
晦他日隔城市咸言會面難薄設聊足恥舉杯更屬誰  
坐嘆吾老矣



九關臺

有序

夸岱

在錦州府北四十里隸義州清和門界與蒙古  
查哈爾地接康熙甲寅年查哈爾布爾泥據義叛  
命大將軍圖海及信郡王討平之拓疆百里建闕凌阿  
之陽插柳為邊

義州城西北崕岫見孤峯峯下凌河水宛如飲澗龍河  
側土為門行旅往來通編柳作牆垣望之亦何雄憶昔  
甲寅歲首逆亂滇中九閩及兩粵路阻燹烟空



廟算神無遺殄滅誅元兇是時東北隅小醜逞頑凶據地彈丸區蟬蟬撼喬松

天子命虎旅電掣奏崇功未忍戮餘黨大德宏包容擴疆建此關守戍森羆熊迄今七十年千里斷烟烽茅茨遂安堵擊壤等華封

聖主眷邊鄙保赤墮

宸衷教養欲兼施中外鮮殊同闢地設長吏勸善儆疎

慵詎用勤催科乃期臻淳風

雍正十年特設九閭臺同知設立衙署

所望



問問問龜勉答

九重

和韋左司擬古二首

館課

儲在文

秋氣滿郊垌  
白日揚清輝  
霽極天宇廓  
閒雲亦依依  
忽念崆峒遊  
蒼茫不可期  
開卷撫冰雪  
願與古人違  
入戶風瑟瑟  
虛堂理瑤琴  
萬籟此中寂  
感人非聲音  
心定忘百喧  
抱膝還微吟  
修綆不可汲  
方知海未深

都江道中

呂耀曾



星軺發平明山水轉奇峭  
崩濤聲如雷崩劣看高嶠  
古洞封白雲誰能測深奧  
桃杏紅欲然梅雪互映照  
老榕大數圍時聞羣鳥噪  
謾謾松風生竹溪多窈窕  
薄暮遍蒼烟野村明晚燒  
佳景觀靡窮異域初難料  
因知天地心大德生為要  
一氣洪鈞中無殊視邊徼  
仰荷

朝廷恩安全廛廊廟本務貴力田況乃設學校沐浴古  
詩章小子當有造我行萬里餘重譯以相告山谷動懽  
呼扶老兼攜少苗人勿諠譁來日開



丹詔

題松吹讀書圖

德齡

天籟寂無聲地籟號衆竅吹萬有不同洩盡無聲妙猗  
彼雲端松時和蘇門嘯風濤乍作止聲聞通至道嗒然  
隱几仙心聽領其要非寂亦非喧於焉得深造爰築讀  
書堂示人以閫奧此堂不遠人門外誰能到



皇清文頴卷六十



欽定四庫全書

皇清文頴卷六十一

詩

七言古詩

塞垣對月

理密親王允初

赤烏纔下黃金丸，碧霄飛上白玉盤。  
邊城盛夏無暑氣，涼夜清露何漙漙。  
長空萬里浮雲淨，圓光素影如懸鏡。  
行宮此夜滿瓊瑤，人間天上相輝映。  
詞客漫言邊月苦，



白草蕭蕭塞上土只今四海總為家雁塞龍沙駐

翠華但見居民安本業曾無戍卒憶天涯寒輝頓覺炎威  
失彷彿珠光射銀闕今宵心跡喜雙清試咏新詩對月明

恭和

御製見龍行

理密親王允弼

長川大澤龍所都飛空上下風雲俱我

皇乾健協龍德坐清海若馴天吳是時江流淨如練蛇

涎百尺垂縈紆伏朝



御座鱗甲動指揮似有神靈驅昔聞黃龍出江潁負舟  
猶復倣神禹豈如

聖德造化參郊藪來遊翔且舞

點翰惟嚴

顧諟心中正粹精居九五禎符叶應非偶然萬國臣民  
欣作睹

雙峰歌

恒溫親王允祺

劍臺北望得雙峰巍然聳出青芙蓉彼此相依偏迥絕



參差並峙何玲瓏  
枯藤屈曲蟠其上  
仰看體勢如虬龍  
逕仄豈容樵牧至  
石高時見雲霞封  
就中瀑布倚空瀉  
淙淙聲應千林松  
遊人到此奇絕處  
頓令洞目開心胸  
倚樹徘徊不能去  
冷然暮色無行蹤  
青溝此去知不遠  
禪關未見先聞鐘

定州

果毅親王允禮

太行西峙海東絡驛路雲開博陵郭

名勝志州城本漢舊基隋開皇於此

置博陵郭

寒風獵獵靡撓旃唐河飛渡千緹幕

清水河一名唐河

典



午璇圖江左移鮮卑曾此一成託

水經注後燕慕容垂建都中山即此州地

五木誇祥束藁然

詳見晉書後燕載記

定武千載空廬落只應明

月與清風雞臺高送烟霄鶴

明月清風皆此州鋪站名十道志州東南有雞鳴臺

圖經云漢光武所築

正定

果毅親王允禮

中原左界標大郡被山帶河井閑盛莪莪北岳天作鎮

恒山舊為北岳正定縣志正定以恒山名志望也

蜿蜒率然首尾應渾沱折旋

晉冀來

楊慎外集渾沱源出代郡大戲山下循太行掠晉冀而東注於海

飛騰沃蕩勢



奔迅河北巨浸此稱首

唐六典河北大川曰滹沱

瀾漫浩淼平如鏡

星昴殷冬水勢落亂流湲列輪蹄競

杜甫詩渡河不用船千騎常湲列

參差金碧倒影垂隆興寶相人天敬銑鍤金容七丈強

正定府志隆興寺即大佛寺在東門金身高七十三尺

大千沙界雄無並

仁皇御製勒貞珉

隆興寺碑文榜額凡十有九皆

聖祖御製寺中御筆親書

願

巖穹趺神力勁赤文綠字日月輝鼎書雲篆龍鸞映永鎮高山與大川千秋咸仰生民聖

岐山

果毅親王允禮



泰華以西名山七峻嶒地乳當其一

說文泰華以西名山七一曰岐山河

圖岐山在崑崙東南為地乳

太王荒作文王述王業已定元公出規

天條地前無匹神靈永永此廟食

岐山縣志周公廟在縣西北鳳鳴山下

娑羅白楊扶殿極

縣志廟門娑羅樹二松栢三皆大逾十圍入門有白楊亦千年物

清

泉一泓治則湜

蘇軾詩注周公廟後百步有泉依山湧出清冽異常國史所謂潤德泉時平則

也輕軒于役迫冬日遙睇宮牆緬至德二南風化期無

數

蘇軾和周公廟詩二南猶自有遺風

碑洞

果毅親王允禮



飛龍氏後史繼作

古三墳伏羲始畫八卦  
命臣飛龍氏造六書

胚胎妍彫窮

元漢伐石摩丹示萬世岐陽岫嶠神工錯

夏禹立碑岫嶠山周宣王

蒐於岐陽  
刻詩石鼓

羸劉而下何班班有唐初載尤超寰鳳翥鸞

騫競翬舉至今落翮成邱山巖宮前後臚蒼碣或露或

覆森林立窅窾儼如洞壑幽

府學文廟後有碑院  
石刻林立俗名碑洞

磊砢

半興土花碧聖經中列崇堂皇其餘篆籀環堵墻

名勝志石

經唐文宗時國子監鄭覃以經籍刊謬與張次宗孔溫  
業等共力讐刊準漢舊事鐫石太學九經并孝經論語  
爾雅共一百五十九卷字樣四十卷開成二年告成又  
碑院中為元宗隸書孝經四壁皆石經其餘碑刻凡二



百二十  
餘座

真行隸草各殊勢招揭日月連星芒奏置憶自

宋元祐

石經本在務本坊宋元祐中漕司呂某移置學宮

鴻都太學同爭購雪

疊溪藤墨鑿池詰朝烟散風馳驟經石呵護有神靈諸

刻未免隨升沈或時驪珠抵烏鵲間用琬琰充甃瓴

與廣

記向拱鎮長安募揭三千餘本民以為苦往往鑿削其字韓縝修灞橋督工急民摩碑石供之故全者遂少

真跡已遙初揭少留遺可聽隨荒草我

朝加飭守土臣護視歷久仍完好即今

宸翰品入神一波一折前無鄰唐規晉矩何足數



幾暇不廢臨摹勤

賜書常得窺筆法奄有百代流風洽自非博覽徧諸家  
誰從巖竇穿雲峽竭來奉使劍外行還轅載歷周西京  
講閱事竣啓

文廟肅謁

先聖觀諸生因得周視碑版處古氣磅礴蛟龍劇剗剔  
苔蘚出節角別白同異識題署強半雖從搨本看雕鐫  
對玩神光完雅俗妍媸不一例杰作自詣乾坤端報



命有期遑細剖往復摩挲難釋手規撫鴻筆劃一拳槐

庶庶託長不朽

前過西安有作  
今亦刻石其中

觀鹽池并謁池神廟有作

果毅親王允禮

參井分野郇瑕封

左傳晉人謀去故絳諸大夫皆曰必  
居郇瑕氏之地沃饒而近鹽杜預曰

鹽鹽池即  
今池是也

唐都南畔虞畿東嶽瀆宣精鍾巨浸府海不

讓明神功縱邇橫遙幅百里

水經注池水東西七十里  
南北十七里週圍百有二

十里明劉敏寬鹽池賦  
畧縱邇橫遙幅員百里

澄渟黝窅靈源通疏列畦塍錯



繡壤醜渠淪注波冲融甘鹵密迟液潛漉一宿霜練水

長空

柳宗元晉問溝塍畦畝之交錯輪囷若蓀若圃不知其垠俄然决源醜流交灌互澍莫知其以及神

液陰

灑甘露密起迴眸一瞬積雪百里

炫轉晶熒耀天日鍛椎圭璧堆玲

瓏輶裝馳載均民食遠近給足公私豐引水首夏迄秋

仲成實自有靈旂風

鹽風洞在中條山麓每仲夏月應候風出池水得此一宿鹽成詎

假熬波漉沙力惟勤斥堠堅垣墉

鹽池圖考環池舊築攔馬塙成化間又於

塙外築禁塙二千五百餘堵

知者剏物巧者和總藉天貺回昭融

聖朝百神並崇報一方秩祀尤優隆雲榜高揭誌信嚮



麻光永願涵璇穹

留額廟中

湯山春景

果毅親王允禮

苔色青青遍山谷澄波無滓春水綠東風飄蕩小池平  
惟愛淪漪清可沐地靈有意瀉溫湯豈因冬夏變寒燠  
四時佳景屬陽春鳥啼花放滿林麓澹烟靄靄數峰青  
登眺須窮千里目

瑞雪謠

慎郡王允禧

北風料峭雲紛糾一夜雪深三尺厚



紫宸朝罷畫歸來道傍偶遇擔柴叟凍梨皴錯苦禁寒  
挽衣及脰帛勒首此時家家盡閉門問叟何為此奔走  
叟言生遇太平時春種秋收樂畎畝及此三冬農務閒  
賣得枯柴足餬口今歲雨暘更時若小麥百錢換一斗  
東家西家多蓋藏兒婦團團酌春酒糶粟輸租百事完  
閉門那有三更叩冬來雨雪稍愆期未雨綢繆安可後  
人生百歲貴辛勤胼胝餘三必經九今朝偶爾出門來  
鵝毛雪片盈林數漫空珠玉眼中投入地蝗蝻泉底朽



明春畢竟是豐年好培嘉禾除稂莠含哺永作太平民  
華封願祝吾君壽老叟言畢倏然去我聞此言立良久  
九重無逸坐

明堂挾纘恩覃愜黃耆文囿先知稼穡艱作民父母惟  
元后補入豳風七月篇永樂昇平歌大有

題翁照春篷聽雨圖小像

慎郡王允禧

一夜春濤打船尾雨聲破夢催人起推篷曉失四山青  
柔櫓搖搖水雲裏借問扁舟何處歸去來長在釣魚磯



幽人事業渾如此卧看江天白鷺飛

曉起登畫筍樓望西山晴雪 慎郡王允禧

三更滕六翻雪車香篝宿火重簾遮街鼓夔夔破初日  
巡簷起視庭前花弄寒作暖兩無賴東風潦倒紛騰拏  
振衣高樓試騁目柳絲不見黃金芽城頭好山如揖客  
界天一道霞光斜何處三百六十寺老松厓折空查了  
我欲策杖訪流水屐齒破凍穿谿訝雪消忽聞作簷溜  
嗒然坐對春無涯



薜荔

慎郡王允禧

薜荔條長散烟翠纏松絡石紛如織離披繆葛復騰拏  
影月翻風足幽致寂寥盡日掩柴關恍似千巖萬壑間  
更待夜涼殘醉醒虛窓高臥弄清寒

頒賜諸王大臣瓷器恭紀

平郡王福彭

大哉

君恩及微細簋簠形呈物采備羣工拜

賜捧多珍出櫝陳庭分種類爛銀為質瑩玻璃研青入



骨填翡翠鵝黃鴨綠鶴頂丹貢土燒烟五色翠畫師縮  
筆染雲螺參差几案明星羅千峰萬壑靡不具虬松怪  
石縈藤蘿尺寸之地滌江海手中往往生烟波傾壺逐  
一恣玩賞奇絕功參造化多古今蒸窯差甲乙定有芒  
兮汝釘密鳳凰山下官與私柴董精粗頗不一由來埏  
埴歸鴻圖陰陽為炭天地爐一器之成判良桮瑚璉汝  
器端型模不歌不覆聖所訓前民利用恩澤殊持盈執  
玉臣微軀長年歌咏堯樽衡



雪後

平郡王福彭

君不見圓者為主方者壁漫漫無際粘天白旌旗卷凍  
龍蛇飛列騎嘶寒蜩毛磔又不見鍬衣憂憂裹層冰冰  
絲萬縷鬚眉凝荷父永夜不敢寐雪山有急三軍登吁  
嗟紫塞走封豕

聖人用兵不得已憂勞不倦宵旰心十萬貔貅皆赤子  
勉旃將士殲犬戎投戈早晚奏膚功歸而飲至朝陽宮  
九州衣被春融融



瀚海石歌

平郡王福彭

瀚海石晶華侵几席雕琢天工無痕跡明星之髓月之魄大珠小珠蚌胎闢精白梨花浮淺淡春流碧硬黃擘彩箋深青染嘉麥有時紅豆丹砂赤斑斕異色雜琥珀表裏明通照締綌剖之定走瓊漿液我聞石者氣之垓漾水團沙元氣積又聞瀚海在荒磧羣鳥解羽伏大澤羣鳥解羽伏乳於此因名瀚海北鄰陰山寒苦劇純陰胚結匪一夕熙代筐篚走重譯萬里貢輸累千百瀚海石雲蒸霞蔚光



奕奕他時化作圭與璧

薊門

輔國將軍博爾都

燕關一夜秋風生黃雲吹墮漁陽城  
剪燭無言起愁坐萬戶千門唯月明  
忽聽天邊笛聲作隱隱隨風度羅幕  
鴻雁遙從塞上來月明倒影樓頭落  
關干倚徧夜婆婆楊柳曾傷攀折多  
玉笛能傳千載怨就中愁聽武陵歌

月夜聞箏

輔國將軍博爾都

十二樓頭宵漏永霜月斜穿碧窓冷  
烏鵲南飛夜有光



星河西下秋無影此時主客心徘徊秦箏侑酒傾金壘  
朱絲繡柱初掩抑忽然殷起南山雷俄頃沈雄變陸續  
颯颯淒風動梧竹鐵笛驚殘隴上梅銀砧敲碎階前玉  
撥拉一轉仍激揚恍如鐵騎奔沙場急雨琤琤濺碧瓦  
輕塵嫋嫋飛雕梁入曼餘音尤蕩漾四座無言久相向  
銀甲頻挑轉鬱陶鴟絃欲斷還惆悵更深筵散月倍明  
翻教哀怨難為聽何人製此關山曲寫出伊涼離別情

寶刀行

輔國將軍博爾都



我有太乙鳴鴻刀一函秋水青綾韜流傳突厥幾千載  
至今鈎利堪吹毛靜夜擎來光照室似有啾啾鬼神泣  
洪鑪淬就錦江波良工磨用陰山石當時跌蕩少年場  
寶裝玉珥何輝煌銅街橫拂秋霜色金埒斜飛曉月光  
豈意我今鬚髮暮蟲網緣窓鳥巢樹抱病不聞車馬聲  
結廬却在蓬蒿處君不見干將鏌邪本巨觀龍光直射  
斗牛端張華既往雷生老飛去延津風雨寒

松花石歌

輔國將軍博爾都



吾家有奇石乃是松所化空谷幾千春移來傍亭榭園  
林從此多清氛蒼蘚玉節依然存日斜窓外滿寒翠月  
明簾下留層雲我至盤桓長手撫似帶幽巖舊風雨虬  
枝無復波濤驚霜皮半染莓苔古錦紋素質含菁蔥堦  
前仿佛山靈通只知今日成黃石那解當年是赤松

皇清文穎卷六十一



欽定四庫全書

集部

皇清文頴卷六十四

二至

詳校官檢討<sub>臣</sub>朱依昊

主事銜<sub>臣</sub>徐以坤覆勘

覆校官中書<sub>臣</sub>田尹衡

校對官中書<sub>臣</sub>王彝憲

謄錄監生<sub>臣</sub>朱續曾



欽定四庫全書

皇清文頴卷六十二

詩

七言古詩

南苑德壽寺寶鼎歌

張玉書

德壽寺前曉日暄紫烟穆穆吹晴旂  
振衣入殿訪靈蹟陸離光映珠纓繁  
編鐘夾案總殊絕中央寶鼎雙夔蹲  
竒文雕摻窮物象鼎煢夔現蟠肘跟  
琪花鏤樹凝霧濕



瑤臺飛棟疑雲屯忽作虬鱗騰貝闕忽搖鳳翮垂天門  
羽毛爪鬣自生動日精月魄時吐吞真氣淋漓不一狀  
隱隱欲上丹砂痕古來彝鼎無此製屈指繇餗何堪論  
白頭老僧諳舊事此鼎實沐

先皇恩指點倭工儼般巧廿年手澤今猶存小臣近前  
三嘆息屏氣駭目難重捫歸來幽光滿胸臆睇望異彩  
彌朝昏爲祝寶鼎精英應星緯離宮萬載栖雲根

御書恭紀

張玉書



淑景春融敞深殿簾捲朱絲晝清晏侍臣入對蒙殊榮  
拜賜雲章出天半天門曉色籠

御床諸曹夾陛陳封章日高奏罷講幄啟經函史籍紛  
璆琅懋勤逶迤接宏德講退隨聞親翰墨玉案常栖錦  
筆新中官跪展牙籤直

御書神妙誰婉蹤騁態極象非人工細比秋鷹筋入骨  
巨如矯鳳飛凌空萬軸縹緗騰異藻榮光上燭青旻杳  
片羽欲覩千黃金



宸翰由來宣賜少學士手捧驪龍珠徑寸芒照十乘餘  
累累一百三十五不敢逼視奎文舒親題卷尾倣蘇軾  
對臨不與鈎摹匹意匠結撰藏丰稜蹲鋒撥鐙具神力  
噫嘻軾也搖落辭江城臨岐一闕離懷傾誰意中更數  
百載忽枉鳳藻飛瓊文漁簞社飲甘草莽  
至尊撫卷動殊獎自是憐才

睿慮殷豈獨清詞激

天賞如今四海登亨衢堂廉膠漆昔所無爲願諸臣努



力佐文治直軼晚近追唐虞

扈從登澄海樓觀海

張玉書

遙尋碣石不可見振衣直登澄海樓  
長城迤邐到海盡海樓橫接城東頭  
樓高百仞星漢逼海勢欲壓樓堞浮  
蒼茫顥氣幾萬里空碧回互搖雙眸  
乾坤震蕩浸一色日月夾鏡懸中流  
驚瀾捲地掣電急怒號沸鼎奔雷收  
熒光變幻吐飛動錯采儵忽驂龍虬  
巨靈惝恍杳難測精魄散豁消煩憂  
延頸咋舌嘆殊絕恨無羽翰凌風遊



雲根隱隱見覆笠烟際渺渺疑浮鷗緱城貝闕竟誰是  
神人巨跡徒冥摻海風引帆帆忽去方士語怪術謬悠  
節食却病良至理丹砂黃金將安求盛時百川永清晏  
飴口飽腹娛春秋蓬瀛方丈咫尺耳何事海外窮九州

一片石

王師擊敗  
流寇處

張玉書

雄關嶽嶽控海隅陰風吹沙啼曉烏片石曾傳舊烽堠  
王師躍馬行天誅羣賊歛來等聚蟻四海糜爛嗟焚如  
黃巾白波騁痛毒連旗大旆紛支吾鼙聲紫氣竟干正



烏合狂逞恣長驅是時六軍正西指鐵絲勁箭龍馬駒  
紅花野戍轉戰急青笳落日張蝥弧二十萬衆麇雉竄  
半膏原莽半累俘噫嘻中原全盛力坐同巾幗輸崔蒲  
天戈一指賊膽迸鷓鴣片羽燎洪爐傳檄勢比飛鳥疾  
耆定大業曾須臾我非瞽史識天道師行不殺人倭蘇  
百族蠕動潤膏雨三章約法除秋荼乾坤整頓六合一  
作京肇宅開天衢矯首關門重慨嘆古來設險徒區區

松山

王師敗明十  
三萬兵處

張玉書



古戍春深曉飛霰馬首雲低擁征傳松杏山經百戰餘  
舊聞歷歷眼中見坡陀隱伏雉堞頽層巒拔地何崔嵬  
彎弓帶甲十三萬曾此空拳委塵埃紅羅山頭歸路絕  
青海嶂邊戰流血角聲入雲錦水枯湘纍迎降氣嗚咽  
脫囚釋縛居上筵豐貂翠幕鵲印懸南冠稽首紛雨泣  
効死誓日旌門前開天神武渺衆慮四海英雄歸駕馭  
哀哀將相圖丹青奕奕驕騶競騫翥于今亭候生蓬蒿  
平蕪沙軟狐兔驕往事浸尋四十載共驅耕犢來春樵



想像山城仗黃鉞虎帳經營幾歲月  
萬年形勝收雄關  
千里邊雲接溟渤朝

陵兩度輦路平百靈跂翼隨行旌  
經過鐵馬金戈地時  
作瀟瀟風雨聲

薩爾訥

王師敗明三路兵處

張玉書

長河百折徑鬱盤遙山夾岸飛沙寒  
山隈河畔野火出  
落落茅舍依林端舍旁老叟辭樸藪  
戰場指點猶在目  
荒城入夜生青燐夾路于今埋白鏃  
當年敵騎明鉤膺



梯衝雜沓雲氣騰  
四部軍來蹀塞草  
千羣甲度蹀層冰  
左師結陳稱王杜  
吉隣山頭橫萬弩

睿謀策勝須攻瑕  
輒亂旋看散如雨  
崖邊逐北黃雲愁  
戰骨揔入渾河流  
周麾一呼三路覆  
鼓聲再竭孤軍收  
就中上將綈居首  
援亡矢絕真束手  
耳食猶傳劍槊名  
輿屍竟等螻蟻朽  
乃知天戈所向同  
摧枯迅掃萬騎風  
雷驅自此關門拓  
土宇中原指顧歸  
乾符廢壘茫茫栖  
白鵲沙塲脉脉照  
新月遙岑木葉春  
陰高匝地英風吹



未歇

試馬歌

張英

天閑萬馬嘶新秋  
碧草無際黃雲流  
清曉

翠華駐南苑下

詔明日觀驂  
騶賸鷹臺畔平蕪綠  
房星中夜光可燭金  
羈玉勒珊瑚鞭雲錦  
千羣麗朝旭

國家馬政前代稀  
芻秣蕃息過秦非  
玉關葱嶺久通道  
渥洼異產今來歸



聖人神武六龍御黃金幄敞頻迴顧王公將相各呈奇  
赤騮紫燕紛無數平沙夾道旌旗開千騎遠自紅門來  
經過長楊厯甫草勢如電激聲如雷誠哉天馬稱汗血  
紅塵不動影先絕驪駒蹀躞看流雲照夜奔騰類飛雪  
中有龍種何踟躕神閑先到高臺邊超羣致遠有餘力  
五花蹴地真連錢須臾數馬復奔逸飛黃騷褭皆奇質  
前岡影動方微茫轉盼人前鳥同疾

聖人顧此



天顏怡三千駉北皆權奇就中四十更雄特吳綾蜀錦  
優賚之

國家典禮有深意恐有鹽車困騏驥便是金臺市駿心  
伯樂一顧空幽冀小臣何幸從馳驅欲寫神駿增躊躇  
試馬由來寄軍政拜手秋原贊廟謨

天府寶翰篇

張英

秘閣西頭古錦囊時時寶鴨薰天香雕函什襲虬龍抱  
玉匣標題翡翠裝



君王清燕常留旣不寶珠璣寶書翰往代名箋色尚瑩

千秋遺墨光猶燦學書無過王右軍天門鳳闕迥無羣

蕭疎內景神仙字娟秀曹江孝女文

昔人謂右軍書黃庭經飄逸有神仙

之緊曹娥碑婉順有孝女之儀今內景經曹娥碑真蹟皆存

內府懷素上人筆如鐵漏

痕釵脚皆奇絕藤影盤時鶴欲栖劍鋸舞處蛟堪截平

原雄勁若有神內制猶存寶篆新

顏真卿書朱巨川誥勅有唐宋璽

晉

唐墨跡人間少由來一字堪千緡端明學士黃州客作

字還如畫奇石山谷偏餘瀟洒姿南宮獨創欽寄格骨



氣蒼嚴數晦翁偶然藻翰皆能工始信真儒自淹貫臨  
池原不比雕蟲子昂雅得蘭亭意江左宗風猶未墜近

代華亭說劍篇落筆輕圓饒逸致

周文矩畫說劍圖董其昌書說劍篇閣

帖初年搨本奇玉堂手記拜恩時

宋畢士安爲學士淳化初年賜此帖士安

自跋于後

澄心舊紙廷珪墨海內流傳第一碑古人真蹟良

難遇一片精英凝尺素鴻寶常騰奎壁光靈物從來鬼  
神護

聖主典學開承明旁搜文翰佐昇平譬彼珍奇貢川嶽



沐日浴月光華生累朝妙墨藏

天府

聖情如歷瓊瑤圃溫室臨摹敲硯冰風亭展對飛檐雨  
侍從詞臣許縱看驚心駭目誇雄觀泰山俯視皆雲氣  
滄海平臨盡紫瀾先教拂拭青玉案捧持須用薔薇盟  
書家今得見山陰如遡河源入星漢再拜稽首

恩無疆晴窻寓目神飛揚天球河圖世世寶上與景慶  
同輝光



溫泉歌

張英

蒼山層疊東方來，挿天萬朶芙蓉開。中有幽巒自盤互，  
溫泉鬱沸靈山隈。遙見白雲覆巖谷，波光日暖寒松綠。  
四時天氣總春融，雙泉數武分涼燠。靜如明鏡石池平，  
瀉入房櫳取次行。蘭香歛艷膏千斛，碧色深沉玉一泓。  
定有丹砂結泉底，仙竈綿綿傾石髓。陽烏浴彩咸池波，  
燭龍銜照空潭水。天生靈異豈偶然，近瞻

世廟橋山巔。土脈精英恣磅礴，鬱蒸佳氣通源泉。常聽



空山傳警蹕畿東勝地時巡日來遊彌切望

陵思豈爲臨流賞清泌

慈寧聖人鶴髮垂有時

鳳輦出龍墀樂遊原上溫泉畔風土清嘉

聖體宜規模簡樸留陳蹟半畝方塘甃文石繚垣翠巘  
蔭長松

行殿土階沿素壁却笑華清侈費多連雲宮闕漫嗟我  
何須刻石成鳧雁豈待鏤金作芟荷



聖朝舉事皆有則敬愛爲心儉爲德寧

親常願葆天和結構恒思惜民力今年扈從碧山岑

賜遊佳地荷

恩深每懷被濯塵纓志時望天波挹注心

蒙

賜御筆臨米芾長幅恭紀

張英

聖主求寧致清宴坐擁圖書千萬卷省覽機政日中昃  
典學稽文意靡倦微臣歲久侍華清講席經帷燕常見



避暑多在甘泉宮柳風槐露迎涼院几畔秋蘭襲袂香  
堦下新荷映波齒

聖情怡豫對清流微颺不用移宮扇日揮鳳紙恒百幅  
退筆爲山墨爲澱遠自篆籀逮晚近縹囊玉軸羅羣彥  
漏痕釵腳法益竒虎卧龍跳勢屢變

御筆腕下集成成俯仰千秋稱獨擅臨摹最愛米與蘇  
古人重見開生面襄陽野老舊知名異代遭逢數稱善  
當年承詔入深宮落筆驚竒響春殿米顛豪放本不羈



紫袍自裹端溪硯長牋流傳入內府側近龍香荷

宸眄字大如碗近數百淋漓瀟灑吳淞綃鍾王顏柳各  
有態盡入豪端供結撰勁筆軒翥摩丹霄奇情夭矯躡  
飛電珠璣萬斛神采殊珊瑚百尺霞光絢念臣朝夕傍  
隼几特與疏恩及愚賤茲幅拜賜出明光寶翰煌煌倚  
深眷榮光夜燭蓬蒿廬奕世家珍共欽羨

大西洋貢獅子歌應

制

王士禎



古云狻猊日走五百里遠隔流沙生月氏康居疏勒曾  
一獻丹青顧陸矜神竒夙聞其名思一見玉關迢遞天  
西陲况復野干日鳴噪安得一吼驚嘍咿

聖人有道十七載景風海外舟車馳元龜象齒紛置驛  
文犀桂蠹羅庭墀大秦之西國絕域懸橦度索來數期  
厥有神獸修方物波濤遠迸蛟龍隨海人泉客盡避徙  
朱衣絳幘不敢窺形狀瓌詭氣奮迅目光睒矐毛彫彫  
巨髯毳髦尾如斗勁毫柔毳相離披發聲殷其雷破壁



顧盼已却千熊羆乳虎犛牛望辟易何論六駁兼文狸  
搏象搏虎具全力威在齒尾非毛皮

上林晝開射熊館

詔付象胥有職司

聖朝寶德不寶物百獸率舞良所宜五風十雨兆民足  
騶虞在囿麟來嬉寫入職方舊圖繪二南萬古傳風詩

聖駕南巡詩

有序

汪 霖

皇帝御極之三十八年武功者定文命覃敷聲教所被



無遠弗届時則和氣翔洽年以順成太平之象書  
契以來所未有薄海內外僉曰休哉除天下之大  
害者享其利任天下之至勞者居其安

聖天子以守成兼開創勞形焦思者三紀於茲治定功  
成物靡不得其所繼自今以往歌風而理從欲而  
治其無煩宵旰乎

皇帝曰噫無逸者逸居休弗休維茲黃運泛決民罹其  
災歲靡大農金錢無算且江淮吳會財賦所自出



也十年弗省卹卹乎念之爰於中春諏吉奉

聖母南邁其隆孝養也則問寢視膳靡有失節山川所

經民人之繁庶風俗之茂美皆藉以怡悅

聖情極尊養之至願其簡扈從也虎賁暫御期門羽林之士才足以給使令而已其省供頓也糗糧脯脩帷帳槃匱悉出內府所有不以纖芥煩吾民也其飭河工也則開引河疏清口築堰導湖塞下流諸壩口授手麾莫不中機要合緩急河臣祇服厥事



不迷於所往其重農功也所至田野輒進父老詢  
以天時豐嗇地利肥瘠人力勤怠委曲周詳不啻  
主伯亞旅之相爲謀也其振文教也念東南人材  
藪澤再廣進取之額輜軒所貢片言隻字足備採  
攬者必和顏色以受之其脩武備也凡禁旅之出  
戍者綠旗之守禦者至則蒐軍實簡卒徒校其進  
退坐作之節以爲軍帥之賞罰士伍振刷靡不供  
命其飭吏治也自封疆大吏以逮一命之士具悉



其廉貪敏情治行稍稱者輒寵以

宸翰用示鼓勵其寬文法也凡三省之民殊死以下情  
罪可原者悉予蕩滌圉圉空虛民以和樂其宏蠲  
賜也大江以南比歲之積逋不下數百萬悉除悉  
貸毋令農民困於追呼鹽筴之因時量加非經制  
者弗征永著爲令商得休息官無所侵漁是行也  
大駕屈道凡百有五日數千里之遠兆民之衆萬事之  
殷繁莫不秩然就理夏五月還



京師

臣

竊惟我

世祖章皇帝以開天之聖繼

太祖

太宗之不基殷憂締造始能統一海內光宅天下迨我  
皇上冲齡踐祚深惟

三后肇造之艱難不敢稍自暇逸消國家無形之伏莽

廓振古未闢之疆圉智勇天錫莫與爲比而且仁  
育義正惠養元元陰陽燥濕工虞水火下至日用



飲食之細無一不與民相流通故民之戴之也不  
戒而孚不謀而合今者恭奉

聖母由畿甸至於海隅窮鄉僻壤之民莫不扶老携幼  
喁喁穰穰環

行宮而嚮慕者日以億萬計以

天子之尊尊其親以天下之養養其親

聖母顧之而後喜可知也至矣哉孝乎知人安民繼述  
之志事也文經武緯顯承之謨烈也合四海順豫



之情以無忘

世祖付託之重豐功偉烈舉於此尊養之一念廓之矣  
若夫紀定省之常儀撫哲惠之善政形容盛德以  
爲足以窺

聖人之萬一此猶闇者依光而不知由於日月渴者飲  
河而不知發於崑崙也豈能罄其光華通其條貫  
哉臣浙人也以需次

國門不得與農夫野老恭迎江潁瞻



穆穆之清光又不獲簪筆屬橐與從臣之列然歌詠

聖德俾千萬世有所紀述者史臣之職也其敢以不文  
默而自己敬賡有韻之言用紀無私之德詞雖下  
里義等康衢云爾其詩曰

我

皇德邁軒與義覆載照臨三無私揆文奮武萬國治在  
昔三叛兵弄池

廟謨翦難若拾遺扶桑底定波不靡羅鳳郡縣非羈縻



惟北有藥雄恣睢

帝車三駕庭三犂民氣和樂遨以嬉六七十翁如小兒  
繼今垂拱真無爲大開明堂坐治之

帝曰咈哉予其咨一夫不獲若已推宣房未築河瀰瀰  
淮之左右懸釜炊大農金錢歲虛糜矧茲吳會財賦資  
民亦勞止愁南箕十年望幸安可辭東風解凍春日遲  
乃乘時令揚蒼旗

御舟容與平如移龍頭豹尾紛歲蕤誰其從者丞與疑



柱下之史簪筆隨進退左右各有司直沽環衛天東維  
滄洲瀛海爲藩籬揚舲直下濟與淄地過徐兗星婁危  
黃水衝決楚岸庠

躬自測度沿沙坻河靈効順來馮夷天清地定江漣漪  
蛟龍拜舞瞻

天麾吳都三月春和時迎

鑾馥郁萼在枝是時正值

萬壽期老弱拜跪相携持三浙父老仰



聖慈夏旱望雲冬待曦

天鑒誠惻臨江湄

乘輿再向鍾山陞牙檣北指薰風吹維夏五月還

京師史臣頌德窮於詞約畧紀載昭來茲譬窺以管測  
以蠡

皇帝至孝慈慈惟尊親繼志咸無虧山川周覽

皇情怡

皇帝至儉福所裊饕餮服御行者齋勿以供頓勞羣黎



皇帝至明繼重離治行殿最靡弗知廉者錫服貪夫褫  
玉衡金鏡手自提

皇帝至勤乾健姿河工閱視忘胼胝口授方畧指以撫  
疏濬決排慎所宜河臣再拜膺成規

皇帝至仁雨露滋空索祝網滌垢疵大德曰生民用孳  
俗吏期會爲繭絲積逋累累民力疲悉予寬貸無呼追  
淮民煮海謀刀錐官吏往往營奸欺減賦傳派蘇瘡痍  
皇帝文武德並垂觀風問俗陳以詩片善皆得來



軒墀維吳與越多英竒生徒增置各有差小子有造佩以觴

天章雲漢光紛披結體夭矯盤蛟螭千秋墨寶時一窺不二之士惟熊羆干城重寄宜在遠一朝饗之樂有儀簡閱步伐射與馳汝不供命厥罰施軍壘變色無敢戲卓哉

至德淪膚肌

皇心視民猶溺饑



詔下百辟思復思謂天蓋高聽以卑太平有道開鴻基  
樂只君子福履綏天不愛道露如飴地不愛寶靈出芝  
民登春臺樂不支從今八萬四千歲普天率土歌雍熙



皇清文頴卷六十二